

景明刻本古今逸史

書經

小爾雅目錄

廣詁一

廣言二

廣訓三

廣義四

廣名五

廣服六

廣器七

廣物八

廣鳥九

廣獸十

廣度十一

廣量十二

廣衡十三

小爾雅目錄

畢

小爾雅

漢孔鮒著 宋咸注

明 吳琯校

廣詁一

淵懿邃蹟深也封臣莫莽艾祁大也

封豕莫府祁寒皆言大也艾亦

爲久頌賦鋪敷布也蓋戴燾蒙冒覆也鍾崇府最積灌

聚樸叢也

詩灌木械樸皆叢義

閱搜履庀具也攻爲話相旬宰

營匠治也

話旬未詳餘皆常意

蠲被禋屑潔也

吉蠲爲饒被其不祥禋于六宗

皆潔也

勿蔑微曼末沒無也隆巢岸峻高也

巢取居高逼尼

附切局鄰傳戚近也

未可戚我先王近也

邵媚旨伐美也賢哀

繁優饒夥多也幾蔡模臬法也蔡取著龜義亦法也爰換變貿

交更易也生造奏詣進也索寒探裊鉤掠採略也開

徹接通達也固歷彌宿舊向久也彌愈滋強益也赫

斲爽曉昕著讚曙明也皆附襲就因也封畛際限疆

畧界也承第班列次也戶峻格扃止也戶取其闔礙峻取其改皆

止之義幽瞋闇昧冥也最凡目質要也疆窮克竟也而

乃爾若汝也控轡挽引也承贊涼助佐也尋由以用

也要捷集載成也肆赴捷疾也造之如適也掇督撫

拾也肆子燼餘也拓斥啓闢開也杜實克物塞也實

物滿也獎率勵勸也勤勉事力也經屑省過也闕缺

間隙也迭遞交更也燿剋沒滅也玄黔驪黝黑也縞皓素白也彤粹緼朱也淫溢沉滅沒也載功物事也

廣言二

晏明陽也盱晏晚也算麗數也

麗取其有所麗著

各叟艾老

也僉皆同也交校報也

犯而不校

舒布展也揚翥舉也索

略求也奚害何也

害瀚害否

里度居也周浹匝也充該備

也列厥陳也輻輳輿也廢措置也駕乘凌也收戢斂

也禁錄也掌司主也偏贅屬也麗著思也載略行也

沓襲合也抵享當也庚徹道也脩舒長也校戰交也

謁復白也敕質正也喬蔑末也延衍散也末沒終也

小國形
此辨別也非涼薄也復旋還也祖翼送也走叩我也

姓命孥子也

姓禮所謂子命未詳

諧籲和也悛寤覺也憾猜恨

也艾盡止也擱忿也

左氏云今執事擱然

奸犯也汨猾亂也縮

續抽也暨捷及也苞跋本也

禮燭跋易包桑言本也

肆臬極也

睇題視也犯肆寔也束縻縛也肆從逐也放投棄也

莽蕪草也暴映曬也焮晞也煇乾也迫跡蹈也衍演

廣也袤從長也荷揚擔也仍再也徇歸也工官也稽

考也顛殞也躋陞也戕殘也勦截也辟除也恩惠也

謫責也間非也

無間言

順退也抗禦也斬取也蚩戲也

褊狹也甚忌也

趙襄甚智伯

沮疑也虧損也毀壞也判散

也蔽斷也交俱也俘罰也夷傷也枳害也締閉也靡
細也辨使也牧臨也嘗試也賴贏也若乃也嗟發聲
也奏爲也振救也庸償也賈價也贍足也曹偶也麗
兩也驟數也逞快也越遠也姑且也哿可也釋解也
庸善也荐重也登升也勵勉也赫顯也韙是也不莊
也佞才也堅息也民之攸堅話善也愿謹也丰豐也都盛
也腆厚也肆緩也競逐也紀基也甚忌教也整願也
懃強也薄迫也燁炊也左氏燁之以薪資取也質信也餽饋
也憑依也藉借也際接也閔限也廬寄也萃集也逌
倅也尤怪也曹慚也索空也素故也視比也徕往也

矜惜也狃忼也覬望也何任也御侍也殿慎也選擇也宣示也

廣訓三

諸之乎也旃焉也惡乎於何也烏乎吁嗟也吁嗟嗚呼也有所歎美有所傷痛隨事有義也無念念也無寧寧也無顯顯也不承承也不肖不似也繩之譽之也詰朝明旦也遐不黃耆言壽考也公孫碩膚德容不瑕道成王大美聲稱遠也鄂不韡韡言韡韡也我從事獨賢勞事獨多也魴鱖甫甫語其大也麀鹿麀麀語其衆也海物維錯錯雜也雜毛曰毳雜彩曰繪

雜言曰咤

莫江切

廣義四

凡無妻無夫通謂之寡寡夫曰鳧寡婦曰嫠妾婦之賤者謂之屬婦屬逮也逮婦之名言其微也非分而得謂之幸詰責以辭謂之讓男女不以禮交謂之淫上淫曰烝下淫曰報勞淫曰通不直失節謂之慙慙愧也面慙曰難心慙曰忍體慙曰遂

廣名五

諱歿謂之大行歿而復生謂之大蘇疾甚謂之怙

猶危

也請天子命曰未可以戚先王

戚近也

請諸侯命曰未

可以近先君請大夫命曰未可以從先子空棺謂之
櫬有殯謂之柩饋歿者謂之賵衣服謂之祔埋柩謂
之殯羊至切殊坎謂之池壙謂之窆下棺謂之窆填窆
謂之封宰冢也塋塋也無主之鬼謂之殤

廣服六

治絲曰織織繒也麻紵葛曰布布通名也繒綿也絮
之細者曰繒繒之精者曰縞縞之麤者曰素葛之精
者曰絺麤者曰綌在首謂之元服弁髦太古布冠冠
而敝之者也題由也題頤也額也顙顏額也璽謂之印
紱謂之綬襜褕謂之童容亦云蔽膝布褐而紩之謂之藍

縷

紕縫也晉人呼縫衣為縷方言云楚謂凡人貧衣破醜蔽為藍縷

袴謂之褰蔽膝

謂之裋帶之垂者謂之厲

厲大帶也

大巾謂之冪

莫狄切

覆

帳謂之幄幄幕也簣牀第也大扇謂之翬杖謂之梃

史有白梃

鍵謂之籥

局籥也亦作鑰

碁局謂之奕在足謂之履履

尊者曰達履謂之金舄而金絢也

禮黑履青絢赤舄黑絢絢之為言拘

也以為行戒時如刃衣鼻在履頭

廣器七

射有張布謂之侯

天子熊侯諸侯麋侯卿大夫布侯言布侯者不采其地直於布上正

面畫虎豹頭而已

侯中者謂之鹄鹄中者謂之正正方二尺

畫采謂之正棲皮謂之鵠方制獸皮帖於侯中如鳥之棲木畫五色於侯中為正內以朱方二尺次以白

以蒼以黃以玄正中者謂之槩槩方六寸棘戟也鉞鉞斧也

干敵盾也戈句子戟也

槩倪結切敵房越切

刃之削謂之室室

謂之鞞鞞秘鞞之飾也

鞞佩刀削秘上飾鞞下飾

矢服謂之弋小

船謂之艇艇之小者曰舩船頭謂之舳尾謂之艫楫

謂之橈車轅上者謂之轆轤謂之輶軫謂之枕較謂

之幹衡扼也扼上者謂之鳥啄纍纍繻也縹索也大

者謂之索小者謂之繩詘而戾之為絰縹而紵之為

縹垺地也墉墻謂之陴高平謂之太原汪池也

左傳戶諸

周氏水之北謂之汭澤之廣謂之衍

廣物八

藁謂之稈稈謂之芻生曰穀謂之粒萊謂之蔬禾穗
謂之穎截穎謂之銍拔心曰堰刈禾鎌曰銍拔根曰擢把
謂之秉秉四曰宮宮十曰稷秉握也宮稷乃多少之差棘實謂之
棗桑之實謂之葢柞之實謂之橡

廣鳥九

去陰就陽者謂之陽鳥鳩鴈是也純黑而反哺者謂
之鳥小而腹下白不反哺者謂之鴉烏白項而羣飛
者謂之燕烏白脰烏也鴉烏鸞也鸞斯也亦曰鸞鴉

廣獸十

豕彘也彘豬也其子曰豚豕之大者謂之豨小者謂

之縱

毛萇以豕一歲曰豬三歲曰豨與此又小異

鳥之所乳謂之巢雞雉

所乳謂之窠鹿之所息謂之潛潛慘也積柴水中而

魚舍焉

廣度十一

跬一舉足也倍跬謂之步

司馬法六尺為步倍跬乃其大畧

四尺謂

之仞倍仞謂之尋尋舒兩肱也倍尋謂之常五尺謂

之墨倍墨謂之丈倍丈謂之端倍端謂之兩倍兩謂

之疋疋有謂之束

禮玄纁五兩以兩為束每束兩兩卷之二丈雙合則成疋凡十卷為

五束以應天九地十之數與此制異焉

廣量十二

一手之盛謂之溢

滿一手也

兩手謂之掬

半升也

掬四謂之

豆豆四謂之區區四謂之釜

舊制四升為豆四豆為區區斗四升也四區為

釜六斗四升也齊陳氏以五升為豆五豆為區五區為釜十釜為鍾與今同

釜二有半謂

之數

一斛六斗也

數二有半謂之缶

四斛也

缶二謂之鍾

八斛

也鍾二謂之秉秉十六斛

廣衡十三

二十四銖曰兩兩有半曰捷倍捷曰舉倍舉曰鈔鈔

謂之鍰

舉三兩鍰六兩

二鍰四兩謂之斤斤十謂之衡衡有

半謂之秤秤二謂之鈞

秤十五斤鈞三十斤

鈞四謂之石石四

謂之鼓